

PRIJEDLOG

Na osnovu člana 13. stav 2. alineja 5. Zakona o principima lokalne samouprave FBiH ("Službene novine FBiH", broj: 49/6), člana 115. stav 4. tačka f. i stava 5. Zakona o osnovnom odgoju i obrazovanju ("Službene novine Kantona Sarajevo", broj: 23/17, 33/17 30/19 i 34/20), člana 55. Statuta Općine Ilijaš – prečišćeni tekst ("Službene novine Kantona Sarajevo", broj: 20/09, 46/18), člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15, 7/19), Općinsko vijeće Ilijaš, na redovnoj _____. sjednici, održanoj dana, _____.2020. godine, d o n o s i:

O D L U K U

O DAVANJU NA KORIŠTENJE FISKULTURNE SALE JAVNOJ USTANOVI OSNOVNOJ ŠKOLI "HAŠIM SPAHIĆ" ILIJAŠ

Član 1.

Fiskulturna sala vanjskih dimenzija 18,80 x 33,65 + 2,90 x 2,82 m, prizemne spratnosti izgrađena uz postojeći objekat JU Osnovne škole "Hašim Spahić" Ilijaš na dijelu zemljišta označenog kao k.č.br. 145/1 K.O. Ilijaš Grad u Ilijašu, na kojem pravo vlasništva ima Općina Ilijaš daje se na korištenje JU Osnovnoj školi "Hašim Spahić" Ilijaš sa sjedištem u ulici Krajiška bb, čiji je osnivač Kanton Sarajevo.

Fiskulturna sala iz stava 1. ovog člana daje se na korištenje JU Osnovnoj školi "Hašim Spahić" Ilijaš dok škola ima status javne ustanove registrovane za obavljanje djelatnosti osnovnog odgoja i obrazovanja u skladu sa Zakonom o osnovnom odgoju i obrazovanju Kantona Sarajevo.

Član 2.

Fiskulturna sala iz člana 1. ove Odluke daje se na korištenje JU Osnovnoj školi "Hašim Spahić" Ilijaš radi održavanja nastave tjelesnog i zdravstvenog odgoja prvenstveno za potrebe učenika škole.

Ovom Odlukom daje se ovlaštenje JU Osnovnoj školi "Hašim Spahić" Ilijaš da objekat iz člana 1. ove Odluke može davati u zakup ili bez naknade drugim subjektima, a u svrhu održavanja sportskih treninga i takmičenja te manifestacija kulturnog i privrednog karaktera.

Član 3.

Na osnovu ove Odluke, daje se ovlaštenje Općinskom načelniku da zaključi Sporazum između Općine Ilijaš, Ministarstva za obrazovanje, nauku i mlade Kantona Sarajevo kao osnivača JU Osnovne škole "Hašim Spahić" i JU Osnovne škole "Hašim Spahić" Ilijaš o davanju na korištenje fiskulturne sale.

Član 4.

U slučaju izmijenjenih okolnosti odnosno nepoštivanja odredaba Sporazuma Općinsko vijeće može staviti ovu Odluku van snage kao i donijeti Odluku o izmjenama i dopunama Odluke.

Član 5.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02-_____/20
Ilijaš, _____.2020.godine

PREDSJEDAVAJUĆA
OPĆINSKOG VIJEĆA ILIJAŠ

Alma Omerović, BA nov.

OBRAZLOŽENJE

I PRAVNI OSNOV

Pravni osnov za donošenje ove odluke sadržan je u:

- Članu 13. stavu 2. alineji 5. Zakona o principima lokalne samouprave u Federaciji BiH ("Službene novine F BiH", broj: 49/06 i 51/09), kojim je propisano da Općinsko vijeće u okviru svojih nadležnosti donosi odluke o upravljanju i raspolaganju imovinom jedinice lokalne samouprave.
- Članu 115. stavu 4. tački f. i stavu 5. Zakona o osnovnom odgoju i obrazovanju ("Službene novine Kantona Sarajevo", broj: 23/17 i 33/17, 30/19 i 34/20), kojim je propisano da općina radi na poboljšanju prostornih i materijalnih uslova škola na svom području, te da odluke iz saomupravnog djelokruga općina iz tog zakona donose općinska vijeća.
- Članu 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09, 46/18) kojim je propisano da Vijeće u okviru svojih nadležnosti donosi odluke o upravljanju i raspolaganju imovinom Općine.
- Članu 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15, 7/19) kojim su definisani propisi koje donosi Općinsko vijeće.

II OBRAZLOŽENJE PREDLOŽENIH RJEŠENJA

JU Osnovna škola "Hašim Spahić" Ilijaš čiji je osnivač Kanton Sarajevo u skladu sa članom 9. stav 2. Zakona o osnovnom odgoju i obrazovanju ima status pravnog lica sa registrovanom djelatnošću osnovnog obrazovanja. Shodno odredbama člana 10. stav 1. Zakona o osnovnom odgoju i obrazovanju osnivač osigurava sredstva za rad škole/javne ustanove što uključuje i školski prostor.

Zakon o osnovnom odgoju i obrazovanju u članu 115. stavu 4. tački f. propisuje nadležnost općine da radi na poboljšanju prostornih i materijalnih uslova škola na svom području, te da odluke iz saomupravnog djelokruga općina iz tog zakona donose općinska vijeća.

Kako dosadašnja fiskulturna sala u JU Osnovnoj školi "Hašim Spahić" nije zadovoljavala Pedagoške standarde i opće normative za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu ("Službene novine Kantona Sarajevo", broj: 30/18) pokazalo se neophodnim izgradnja jednog ovakvog objekta.

Općina Ilijaš i Ministarstvo za obrazovanje, nauku i mlade Kantona Sarajevo su udruženim finansijskim sredstvima realizovali projekat izgradnje fiskulturne salu uz postojeći objekat JU Osnovne škole "Hašim Spahić" Ilijaš, vanjskih dimenzija 18,80 x 33,65 + 2,90 x 2,82 m, spratnosti P+0, na dijelu zemljišta označenog kao k.č.br. 145/1 K.O. Ilijaš Grad, na kojem pravo vlasništva ima Općine Ilijaš.

Obzirom da je fiskulturna sala izgrađena na zemljištu čiji je vlasnik Općina Ilijaš, a ista je sagrađena prvenstveno za potrebe održavanja časova tjelesnog i zdravstvenog odgoja za učenike JU Osnovne škole "Hašim Spahić" Ilijaš pokazalo se neophodnim ustupiti ovaj objekat JU Osnovnoj školi "Hašim Spahić" Ilijaš na upravljanje i korištenje.

Ovom Odlukom daje se ovlaštenje JU Osnovnoj školi "Hašim Spahić" Ilijaš da objekat iz člana 1. ove Odluke može davati u zakup ili bez naknade drugim subjektima, a u svrhu održavanja sportskih treninga i takmičenja te manifestacija kulturnog i privrednog karaktera.

Na osnovu ove Odluke zaključit će se tripartitni Sporazum između Općine Ilijaš, Ministarstva za obrazovanje, nauku i mlade Kantona Sarajevo kao osnivača JU Osnovne škole "Hašim Spahić" i JU Osnovne škole "Hašim Spahić" Ilijaš o uslovima korištenja

fiskulturne sale, kao i pravima i obavezama sporazumnih strana.

Također bi istakli da Općina Ilijaš ima tendenciju izdvajanja budžetskih sredstava za pružanje podrške ustanovama obrazovanja kao i afirmaciji sporta kako za učenike tako i za sve građane Općine, te bi se donošenjem ove Odluke nastavio kontinuitet u pružanju pomoći ovih djelatnosti što je i društvena obaveza Općine kao jedinice lokalne samouprave.

III FINANSIJSKA SREDSTVA

Za provođenje ove Odluke nisu potrebna finansijska sredstva.

Predlagač Odluke o davanju na korištenje fiskulturne sale Javnoj ustanovi Osnovnoj školi "Hašim Spahić" Ilijaš je Općinski načelnik shodno odredbi člana 113. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15, 7/19).

Obradivač Odluke je Služba za saobraćaj, stambeno-komunalne poslove i građenje Općine Ilijaš.

Predlažemo Općinskom vijeću Ilijaš da Odluku o davanju na korištenje fiskulturne sale JU Osnovnoj školi "Hašim Spahić" Ilijaš donese u predloženom tekstu.

PRIJEDLOG

OPĆINA ILIJAŠ, sa sjedištem u Ilijašu, ul. 126. ilijaške brigade br. 6, ID broj: 4200621930005, koju zastupa Općinski načelnik Akif Fazlić, dipl.ecc.,

MINISTARSTVO ZA OBRAZOVANJE NAUKU I MLADE KANTONA SARAJEVO, sa sjedištem u Sarajevu, ul. Reisa Džemaludina Čauševića br.1, koje zastupa Ministar Anis Krivić, dipl.pravnik

i

JAVNA USTANOVA OSNOVNA ŠKOLA "HAŠIM SPAHIĆ" ILIJAŠ, sa sjedištem u Ilijašu, ul. Krajiška bb, koju zastupa Direktor prof. Nihad Salkić,

zaključili su dana _____ 2020. godine

SPORAZUM

o davanju na korištenje fiskulturne sale Javnoj ustanovi Osnovnoj školi "Hašim Spahić" Ilijaš

PREDMET SPORAZUMA

Član 1.

Ovim Sporazumom Općina Ilijaš ustupa na korištenje bez naknade fiskulturnu salu vanjskih dimenzija 18,80 x 33,65 + 2,90 x 2,82 m, spratnosti P+0, izgrađena uz objekat JU Osnovne škole "Hašim Spahić" Ilijaš na dijelu zemljišta označenog kao k.č.br. 145/1 K.O. Ilijaš Grad u Ilijašu, na kojem pravo vlasništva ima Općina Ilijaš, Ministarstvu za obrazovanje, nauku i mlade Kantona Sarajevo i JU Osnovnoj školi "Hašim Spahić" Ilijaš za potrebe JU Osnovne škole "Hašim Spahić" Ilijaš i to na osnovu Odluke Općinskog vijeća Ilijaš, broj: _____ od _____.

PRAVA I OBAVEZE SPORAZUMNIH STRANA

Član 2.

Općina Ilijaš:

- ustupa Ministarstvu za obrazovanje, nauku i mlade Kantona Sarajevo i JU Osnovnoj školi "Hašim Spahić" Ilijaš na korištenje i upravljanje fiskulturnu salu iz člana 1. ovog Sporazuma prvenstveno za potrebe održavanja nastave tjelesnog i zdravstvenog odgoja učenika JU Osnovne škole "Hašim Spahić";
- ustupa Ministarstvu za obrazovanje, nauku i mlade Kantona Sarajevo i JU Osnovnoj školi "Hašim Spahić" Ilijaš fiskulturnu salu iz člana 1. ovog Sporazuma bez naknade sve dok JU Osnovna škola "Hašim Spahić" Ilijaš ima status javne ustanove registrovane za obavljanje djelatnosti osnovnog odgoja i obrazovanja u skladu sa Zakonom o osnovnom odgoju i obrazovanju.
- daju ovlaštenje JU Osnovnoj školi "Hašim Spahić" Ilijaš da fiskulturnu salu iz člana 1. ovog Sporazuma može davati u zakup drugim subjektima, a u svrhu održavanja sportskih treninga i takmičenja te manifestacija kulturnog i privrednog karaktera i u tom smislu sačinjavati Ugovore o međusobnim pravima i obavezama sa korisnicima.

Član 3.

Ministarstvo za obrazovanje, nauku i mlade Kantona Sarajevo i JU Osnovna škola "Hašim Spahić" Ilijaš i se obavezuju da će:

- fiskulturnu salu navedenu u članu 1. ovog Sporazuma prvenstveno koristiti za potrebe održavanja nastave tjelesnog i zdravstvenog odgoja učenika škole;
- vršiti tekuće i investiciono održavanje ustupljene fiskulturne sale;
- snositi troškove režija (potrošnja električne energije, vode, plina i drugih usluga koje koristi);

- nadoknaditi materijalnu štetu koja proistekne iz korištenja fiskulturne sale iz člana 1. ovog Sporazuma;
- u roku od 30 dana od dana potpisivanja ovog Sporazuma donijeti Pravilnik o načinu korištenja prostora fiskulturne sale, a sastavni dio Pravilnika treba da bude cjenovnik za usluge korištenja sadržaja fiskulturne sale, cjenovnik za naknadu eventualno pričinjene štete od strane korisnika te drugih usluga;
- zaključivati Ugovore o zakupu sa sportskim udruženjima i drugim zainteresovanim subjektima u svrhu održavanja sportskih treninga, takmičenja i manifestacija kulturnog i privrednog karaktera;
- bez prethodnog odobrenja Općine Ilijaš neće vršiti bilo kakve popravke, adaptaciju ili rekonstrukciju fiskulturne sale iz člana 1. ovog Sporazuma;
- fiskulturnu salu iz člana 1. ovog Sporazuma koristiti pažnjom dobrog domaćina i pažnjom dobrog privrednika;
- ovlaštenim predstavnicima Općine Ilijaš dopustiti povremeni pregled fiskulturne sale iz člana 1. ovog Sporazuma u svrhu utvrđivanja stanja i načina korištenja objekta.

NAČIN PRESTANKA SPORAZUMA

Član 4.

Ovaj Sporazum prestaje:

- istekom vremena za koji je zaključen,
- sporazumom strana ili
- otkazom jedne od sporazumnih strana.

Član 5.

Općina Ilijaš može otkazati ovaj Sporazum ukoliko se Ministarstvo za obrazovanje, nauku i mlade Kantona Sarajevo i JU Osnovna škola "Hašim Spahić" Ilijaš:

- ne pridržavaju obaveza iz ovog Sporazuma;
- nanose štetu objektu iz člana 1. Sporazuma koristeći ga bez dužne pažnje;
- vrše prenamjenu objekta bez pismenog odobrenja Općine Ilijaš.

Član 6.

Otkaz Sporazuma vrši se pismenim putem, dostavljanjem obavijesti o raskidu uz ostavljanje otkaznog roka u trajanju od 30 dana.

Po prijemu obavijesti o otkazu Sporazuma Ministarstvo za obrazovanje, nauku i mlade Kantona Sarajevo i JU Osnovna škola "Hašim Spahić" su dužni predati objekat iz člana 1. ovog Sporazuma u roku od 30 dana u ispravnom stanju, slobodan od osoba i stvari.

Ako Ministarstvo za obrazovanje, nauku i mlade Kantona Sarajevo i JU Osnovna škola "Hašim Spahić" Ilijaš ne postupe u skladu sa stavom 1. i 2. ovog člana Općina Ilijaš će po proteku roka od 30 dana ući u posjed nekrtetnine, a eventualnu štetu nastalu u vezi korištenja nekretnine kao i druge troškove snosit će Korisnici.

Član 7.

Ako se ovaj Sporazum raskine sporazumno Ministarstvo za obrazovanje, nauku i mlade Kantona Sarajevo i JU Osnovna škola "Hašim Spahić" dužni su predati Općini Ilijaš objekat iz člana 1. ovog Sporazuma u roku od 15 dana u ispravnom stanju, slobodan od osoba i stvari.

O primoredaji ili preuzimanju objekta sastavlja se Zapisnik.

PRIJELAZNE I ZAVŠNE ODREDBE

Član 8.

Strane potpisnice Sporazuma su saglasne da na objektu koji je predmet ovog Sporazuma mogu zajednički ili samostalno, bez naknade za korištenje objekta, organizovati određene manifestacije sportskog, kulturnog i privrednog karaktera koje su od posebnog značaja za

Općinu Ilijaš, Grad Sarajevo, Kanton Sarajevo, Federaciju Bosne i Hercegovine ili državu Bosnu i Hercegovinu.

O navedenom će se u svakom konkretnom slučaju sporazumne stvari dogovarati.

Član 9.

Ovaj Sporazum zaključuje se na osnovu Odluke Općinskog vijeća Ilijaš, broj: _____ od _____.

Član 10.

Sporazum se smatra zaključenim kada ga potpišu i ovjere ovlašteni predstavnici sporazumnih strana.

Član 11.

Izmjene i dopune Sporazuma vršit će se na način i po postupku kako je isti i prethodno zaključen.

Izmjene i dopune Sporazuma važe samo ako su potpisane i ovjerene od ovlaštenih predstavnika sporazumnih strana.

Član 12.

Eventualne sporove koji proisteknu iz međusobne saradnje, realizacije ovog Sporazuma ili različitog tumačenja sporazume strane će pokušati riješiti dogovorom. Ukoliko o tome ne uspiju ugovaraju nadležnost Suda u Sarajevu.

Član 13.

Sporazum je sačinjen u 3 (tri) istovjetna primjerka, od kojih po jedan primjerak pripada svakoj sporazumnoj strani.

Za Ministarstvo obrazovanja,
nauke i mladih Kantona Sarajevo
Ministar

Anis Krivić, dipl.pravnik

Broj: _____

Datum: _____

Za JU OŠ "Hašim Spahić" Ilijaš
Direktor

prof. Nihad Salkić

Broj: _____

Datum: _____

Za OPĆINU ILIJAŠ
Općinski načelnik

Akif Fazlić, dipl.ecc.

Broj: _____

Datum: _____

Bosna i Hercegovina
Federacija Bosne i Hercegovine
KANTON SARAJEVO
Pravobranilaštvo Kantona Sarajevo



LA ATHU
Bosnia and Herzegovina
Federation of Bosnia and Herzegovina
CANTON SARAJEVO
Public Defender's Office of Sarajevo
Canton

Broj: 32/2020
Sarajevo, 17.03.2020. godine

Bosna i Hercegovina
Federacija Bosne i Hercegovine
KANTON SARAJEVO
Općina Ilijaš

Veza Vaš broj: 03/1-19-sl/19 od 13.03.2020. godine

PREDMET: Mišljenje – dostavlja se

Dana 17.03.2020. godine, ovo Pravobranilaštvo je zaprimilo Vaš akt naprijed navedeni broj kojim zahtijevate pravno mišljenje na Prijedlog Sporazuma o davanju na korištenje fiskulturne sale Javnoj ustanovi Osnovnoj školi "Hašim Spahić" Ilijaš, koji namjeravaju zaključiti Općina Ilijaš, Ministarstvo za obrazovanje nauku i mlade Kantona Sarajevo i Javna ustanova Osnovna škola "Hašim Spahić Ilijaš". U prilogu akta dostavljen je Prijedlog Odluke o davanju na korištenje fiskulturne sale Javnoj ustanovi osnovnoj školi "Hašim Spahić" Ilijaš.

Iz dostavljenog Sporazuma utvrđuje se da Općina Ilijaš ustupa na korištenje bez naknade fiskulturnu salu, bliže opisanu u članu 1. Sporazuma, izgrađenu uz objekat škole na dijelu zemljišta označenog kao k.č. br. 145/1 i 144/1 KO Ilijaš u Ilijašu, Ministarstvu za obrazovanje, nauku i mlade Kantona Sarajevo i JU Osnovnoj školi "Hašim Spahić", Ilijaš, prvenstveno za potrebe održavanja nastave tjelesnog i zdravstvenog odgoja učenika JU Osnovne škole "Hašim Spahić".

Imajući u vidu prednje navedeno, ovo Pravobranilaštvo nema primjedbi niti sugestija na tekst Sporazuma o davanju na korištenje fiskulturne sale Javnoj ustanovi Osnovnoj školi "Hašim Spahić Ilijaš, uz napomenu da je isto dato na osnovu dostavljenje dokumentacije kao i podataka i činjenica navedenih u zahtjevu, te ukoliko podaci odstupaju od stvarnog činjeničnog stanja, ovo mišljenje se ne može koristiti.

Za sve dodatne informacije i eventualna pojašnjenja, stojimo Vam na raspolaganju.

S poštovanjem,



<http://pb.ks.gov.ba> e-mail: pb@pb.ks.gov.ba
Tel/fax: +387(0)33 214-033, +387(0)33 666-614 +387(0)33 226-024
Sarajevo, Branilaca Sarajeva 21